



Jen Būreejtōn  
Henry B. Eyring

Rikakpilōklōk eo Kein Kajuon  
ilo Būreejtōnji eo Kein Kajuon

# Kile, Kememej, im Leļok Kaṃoolol

**A**nij ej kajjitōk bwe jān leļok kaṃoolol nān E kōn jabdewōt kōjeramṃan ko jej būk jān E. Epidodo nān kōj nān erom jab itok limo ilo jar in kaṃoolol ko ad, emakijkij āliji ejja naan ko wōt bō-taab ilo ejjeļok kōttōpar nān leļok kaṃoolol ko āinwōt juon menin letok an bōro nān Anij. Jej aikuj leļok kaṃoolol ilo Jetōb (lale D&C 46:32) kōn menin jej eņjake lukkuun kaṃoolol kōn ta eo Anij eaar letok nān kōj.

Ekōjkan ad maroñ kememej eṃool juon ṃōttan in aolep men Anij eaar kōṃṃani nān kōj? Rijilōk Jon eaar ļoṃke ta eo Rilōmṃoṃ eaar katakin kōj kōn juon menin letok an kememej me ej itok kōn menin letok eo an Jetōb Kwojarjar. “A Ri Kaaenōṃṃan, E Jetōb Kwojarjar, Eo Jema enaaj jilkintok ilo Eta, Enaaj katakin koṃ men otemej, im kakeememej men otemej nān koṃ, men ko Iar ba nān koṃ” (Jon 14:26).

Jetōb Kwojarjar ej bōktok ememļokjeṃ ko an ta eo Anij eaar katakin kōj. Im juon iaan wāween ko Anij ej katakin kōj ej kōn kōjeramṃan ko An, im kōn menin, eļañne jej kālet nān kōjerbal tōmak, Jetōb Kwojarjar enaaj bōktok jouj an Anij nān kakeememej kōj.

Komaroñ idajoñjoñe men jab in ilo jar rainin. Komaroñ ļoor jiroñ eo me ej ba bwe kwoj aikuj kaṃoolol Irooj aṃ Anij kōn aolep men (lale D&C 59:7).

Būreejtōn Ezra Taft Benson (1899–1994) eaar elma-kote bwe jar ej ejaak iien nān kōṃṃane men jab in.

Ekar ba: “Rikanaan Joseph eaar ba ilo juon iien bwe juon iaan jerawiwi ko reļļap tata me Armej ro Rekwojarjar ilo Raan-ko Āliktata naaj bōd kake ej jerawiwi in jab kaṃoolol. Ij tōmak elōñ iaad eaar jab ļōṃṃak kōn men jab in āinwōt juon jerawiwi eļap. Ewōr juon kōṃaan eļap nān kōj ilo jar ko ad im ilo akweļap ko ad ippān Irooj nān kajjitōk kōn elōñļok kōjeramṃan ko. Bōtaab jet iien ij eņjake jej aikuj wujleplōk jar ko ad nān kwaļok kaṃoolol im leļok kaṃoolol kōn kōjeramṃan ko eṃōj kadede kar būki. Ekanooj ļap ad lemō-ṃōṃō kaki.”<sup>1</sup>

Emaroñ wōr kain eņjake in kōn menin letok eo an Jetōb Kwojarjar rainin. Komaroñ jino juon jar aṃ make kōn kaṃoolol. Komaroñ jino bwini kōjeramṃan ko aṃ innām bōjrak iumṃwin jidik iien. Eļañne kwoj kōjerbal tōmak, kōn menin letok eo an Jetōb Kwojarjar, kwonaaj lo bwe ememļokjeṃ ko an kōjeramṃan ko jet naaj jiōb-tok nān ļōṃṃak eo aṃ. Eļañne kwoj jino nān kwaļok kaṃoolol kōn kajjojo iaer, jar eo aṃ emaroñ bōk juon iien eaitokļok jān ṃokta. Ememļokjeṃ enaaj itok, im barāinwōt kaṃoolol.

Komaroñ kajieoñ ejja men eo wōt ilo aṃ je juon ļoṃk ilo jōnōļ eo aṃ. Jetōb Kwojarjar eaar jipañ armej ro kōn men jab in jān jino in iien. Kwoj kemeemej bwe bok in Moses ej ba bwe juon bok in kemeemej kar kōjparoke ilo kajin eo an Adam im ilo bok jab in kar ļoṃke bwe

jabdewōt armej me kar kūr ioon Anij n̄an maroñ jeje j̄an jetōb in im̄we. (lale Moses 6:5).

Būreejtōn Spencer W. Kimball (1895–1985) eaar kō-melejeleik bwe jekjek eo an jeje im̄we: “Ro me rej kōj-parok bok in kakeememej eo eļapļok aer kōjparok im kakeememej Irooj ilo mour ko aer aolep raan. Jōnōļ ko rej juon wāween bwini kōjeram̄man ko ad im door juon ļoqok in kōjeram̄man kein n̄an ro ineed.”<sup>2</sup>

Ilo aṁ jino jeje, komaroñ kajjitōk ippaṁ make, “Ekōj-kan an Anij kar kōjeram̄man n̄a im ro ij iakwe er rainin?” Eļañne kwoj kōm̄mane men jab in ebwe an emakijkij im kōn tōmak, kwonaaj lo am make kememej kōjeram̄man ko. Im jet iien enaaj wōr aṁ menin letok ko kar bōktok n̄an ļōm̄nak eo aṁ bwe kwar likjab n̄an kili ilo raan eo innām bōtaab kwonaaj jeļā kar juon uñur an pein Anij ilo mour eo aṁ.

Ij jar bwe jen maroñ kōm̄mane juon kijejeto eban jemļok ilo tōmak n̄an kile, keememej, im n̄an leļok kaṁoolol n̄an ta eo Jemedwōj Ilañ im ad Rilōm̄qor kar kōm̄mane im rej kōm̄mane n̄an kōpeļļok iaļ eo n̄an kapijuknen n̄an Er.

#### **KAKEEMEMEJ KO**

1. Ezra Taft Benson, *God, Family, Country: Our Three Great Loyalties* (1974), 199
2. Spencer W. Kimball, “Listen to the Prophets,” *Ensign*, M̄e 1978, 77.

#### **KATAKIN J̄AN ENNAAN IN**

Ilo ennaan eo an, Būreejtōn Eyring ej karuwaineneik kōj n̄an keememej jouj ko an Jemedwōj Ilañ ilo jar ko ad. Ekōnono ippān ro kwoj katakin ekōjkan an jar kōn kaṁoolol maroñ jipañ kōj kile pein Anij ilo mour ko ad. ļōm̄nak in bukweļōlō n̄an jar ippān ro kwoj katakin im kwaļok n̄an jabdewōt eo ej jar bwe en kwaļok wōt kaṁoolol.

Komaroñ barāinwōt ekkatak aorōk eo an kaṁoolol j̄an riiti eoon kein ilo kakobaba n̄an eoon ko me Būreejtōn Eyring eaar kwaļoki: Sam 100; Mosaia 2:19–22; Alma 26:8; 34:38; Doctrine and Covenants 59:21; 78:19; 136:28.

### **JODIKDIK RO**

#### **Kōm̄man iien Bōnbōn**

**B**ūreejtōn Eyring ej kouti Būreejtōn Spencer W. Kimball (1895–1985) āinwōt an ba bwe “jōnōļ ko rej juon wāween būni kōjeram̄man ko ad im kōm̄mane juon iien bōnbōn an kōjeram̄man kein n̄an ro indeed.” Ilo kweilok eo eļap ilo Oktoba 2012, Būreejtōn Thomas S. Monson eaar letok naan in kaṁool eo an kōn jeje jōnōļ. Eaar kwaļok jet eñjake ko j̄an mour eo an, kobaik, “Jōnōļ eo aō, eaar kōjparok ium̄win aolepān iiō kein, kar jipañ bōktok jet iaan kajjojo ko me eļap aō kōṅaan jab ilo bar juon wāween maroñ keememeji.” Eaar kapilok, “Bwe koṁin lukkuun kōļmenļokjen kōn mour eo ami im kalimjek eļap kōjeram̄man ko, reļļap im reddik, koṁ ar būki” (“ļōm̄nak Kōn Kōjeram̄man Ko,” *Kweilok eo Eļap im Ensign*, Nob. 2012, 86). Jerbal ilo ļoor kapilok eo an rikanaan rein im kōm̄mani menin kōttōpar ko n̄an jeje ilo jōnōļ eo aṁ.

### **AJRI RO**

#### **Elōñ Wāween ko n̄an Ba Koṁool**

*“Aolepān laļ in ilo jemļok in raan eo,  
Ajri ro nejin Jemedwōj Ilañ rej bukweļōlō im jar,  
Kajjojo ajri ej ba koṁool ilo wāween eo ejenļok an  
make.”*

*“Children All Over the World,” Children’s Songbook, 16.*

Kōjērbal juon mab ñan kile laj ko roktak jān doon  
ijo kajin kein rej kōnono. Jet iaan kajin kein rej kōnono  
kaki elōñjok jān juon laj!

1. gracias (kajin Spanish)
2. malo (kajin Tonga)
3. thank you (kajin Inlij)
4. shukriyaa (kajin Hindi)
5. spaseba (kajin Russia)
6. Arigatō (kajin Japan)
7. obrigado (kajin Portuguese)
8. asante (kain Swahili)
9. merci (kajin French)



Tōmak, Baamļe, Deeor

# Menin jeramman

*Kanooj jar im ekkatak kein katakin in im, ñe ekkar, ekōnono kake ippān sister ro kwoj loļok. Kōjberbal kajjitōk ko ñan jipañ eok kōkkajoorloļok kōrā ro jeim im jatim, im ñan kōmman bwe Doulu eo an Kōrā en mōttan eo emourur an mour eo am make. Ñan meļeļe ko reļļaploļok, etal ñan reliefsociety.lds.org.*

Jibadbad eo an menin jeramman eo an Kabuñ in rej ñan jipañ membōr ro erom uññare peier make, ñan kōjparok rijeramōl im riaikuj, im ñan leļok jberbal in jipañ. Menin jeramman ej ioļaplap ñan jberbal eo an Doulu eo an Kōrā. Būreejtōn Henry B. Eyring, Rikakpilōklōk eo Kein Kajuon ilo Būreejtōnji eo Kein Kajuon, eaar katakin:

“[Irooj] jān jinoin iien kar kakke wāween ko ñan rikaļoor ro An ñan jipañ. E ekar karuwaineneik ro Nejin ñan kakwojarjar aer iien, aer ļomnak, im er make ñan kobaik E ilo jberbal ñan ro jet. . . .

“Eaar karuwainene im keañ kōj ñan bōk kūnaad ilo jberbal in An ñan lelōñ tak ro rej pād ilo aikuj. Jej kōmmane juon bujen ñan kōmman bwe ilo dān in peptaij ko im ilo tampeļ ko rekwojarjar an Anij. Jej kōkāal bujen ilo Jabōt ko ñe jej bōk mōttan kwojkwoj eo.”<sup>1</sup>

Iumwin tōl eo an bisop eo ak branch būreejtōn eo, ritōl ro ijo jokwe ie rej jipañ kōn menin jeramman ilo jetōb im kanniōk. Iien ko remman ñan jberbal emakijki aer

ijjino ippān rūkaki in loļok mōko ro an kōrā me rej pukōt imwe ñan jeļā ewi wāween uwaake aikuj ko an kajjojo sister rej loļok.

## Jān Jeje ko Rekwojarjar

Luk 10:25–37; Jemes 1:27; Mosaia 4:26; 18:8–11; Doctrine and Covenants 104:18

## Jān Bwebwenato eo Ad

Ilo Juun 9, 1842 rikanaan Joseph Smith eaar jitōñ sister ro ilo Doulu eo an Kōrā ñan “kadeeor rijeramōl ro” im jberbal ñan ļomōoren jetōb ko.”<sup>2</sup> Menin kōttōpar kein rej ioļaplap wōt in Doulu eo an Kōrā im rej kwaļok ilo mātto eo ad. “Yokwe ej jāmin jako” (1 Korint 13:8).

Būreejtōn eo kein kōļalem ad an Doulu eo an Kōrā, Emmeline B. Wells, im rikakpilōklōk ro an raar kwaļok mātto in ilo 1913 āinwōt juon kakeememej an pedped ad kar: “Kōmij keañ kōn jibadbad eo ad ñan . . . [dāpij] ilo dim ñan katak ko reimwe an Rikanaan Joseph Smith ke eaar kwaļok karōk eo me kōrā ro raar ñan kōtloļok kōn kūr

ko an priesthood ñan koba ñan doulu ko remman ñan jibadbad eo kōn kwaļok ñan rinañimej, jipañ riaikuj, kaenōmman rūtto ro, kōmeņeņ armej ro jab kea kōn er, im rie riatemjinemjen ro.”<sup>3</sup>

Rainin Doulu eo an Kōrā emōj an tōpar aolepān laļ in āinwōt an sister ro kwaļok iakwe, iakwe eo erre eo an Kraist, ñan ro riturier (lale Moronai 7:46–47).

### KAKEEMEMEJ KO

1. Henry B. Eyring, “Iien ko remman ñan Kōmman Emman.” *Kweļok eo Eļap imEnsign*, Māe 2011, 22.
2. Joseph Smith, ilo *Daughters in My Kingdom: The History and Work of Relief Society* (2011), 63.
3. *Daughters in My Kingdom*, 63.

### Ta Eo Imaroñ Kōmmane?

1. Ekōjkan aō maanjabpopo ñan kōjparok eō make im ñan baamļe eo aō ilo jetōb im kanniōk?
2. Ekōjkan aō ļoor waanjoñak eo an Rilomōor eo ilo aō jipañ tōpar aikuj ko an sister ro ij mije er?